

寶綸堂詩稿

寶綸堂詩稿 卷四

梁山李鴻鈞吟史著

堂弟鴻藻金策選

胞弟鴻儀龍門校

讀汪訂頑史外所載靖難諸臣列傳

金川門外燕飛來義士忠臣劇可哀元氣太傷天亦
淚強藩久據禍成胎千秋定議名長播十族奇冤劫
創開被啄皇孫休抱恨異時濠煦不凡材

冬日漫賦

饑餐倉粟渴烹茶漸覺鳥跼勢易斜布被生寒初換

聖賢言行錄 卷四
絮金盆留水爲澆花叢書自詡搜羅廣密友何妨款
接差一點靈犀閒不慣纔拋卷帙又塗鴉

唐沅萍喪其長孫作詩唁之

唐君過訪多憂色爲道珠沉兼玉折袖中携出悼孫
詩知是淚痕知是血昔者孟郊喪厥雄昌黎以詩慰
乃翁我與君交如韓孟喪子喪孫微不同言猶未罷
增酸楚繞腰有孫稱繩武何圖中道又云亡恨海難
將頑石補再讀君詩更動情無意爲文文自生幻似
莊翁回蝶夢慘疑巫峽聽猿鳴我道達人休作如是

想且俟將來拋既往螽斯麟趾詎弗佳咄咄逼人謀
教養嗟我亦抱商瞿戚天報善人時復爽震索生男
君已足那許熊魚竟兼兩古今多少大傳人俎豆別
從名山亭北卽壤土縱含悲楹書留待次孫掌君不
見山有喬梓木枝枝葉葉相聯屬又不見田有瓜瓞
根或榮或枯氣數存說到蒼天久難問君盍堅忍待
其定人果定時足勝天天縱有權俱退聽君勿泣我
當歌彭殤原一致誰共叔灰磨誦君之書積君善方
寸感召上天和重賜玉麟易成立唐衢老鬢未全皤

今雖暫奪鳳雛去後來居上福正多右揮玉麈尾左
持金叵羅玉山傾倒遑卹他彼造物者奈君何

題漢五帝本紀

雄才大畧好開邊火運方炎景祚延若較前朝惟穆

滿平章後代似唐玄貳師常賜軍中號

李夫人弟李廣利封號也

五利徒求海上仙

方士樂大封爲五利將軍

任有金盤霄漢聳茂

陵依舊鎖荒烟

學署甄別教讀澆

家嚴校其優劣

老父因

以見委昔陳曲逆以社長分肉曰他日使平

宰天下亦如是矣此役事雖微細我亦云然
白茅黃葦望中多又恐遺珠喚奈何得第程遙三歎
息憐才情重幾摩挲同人請謁交難殉有以私人囑
取列前茅者
異日權衡議敢苛甲乙評量休遽定名場甘苦久嘗
過

先大父於本宅創建一樓以奉絲綸爲級者三
雄麗甲乎全邑年久失修 家嚴率善初姪

以我 祖所遺公款撙節動修又稱貸而益
之期復舊觀有術士某謂萬石樓垂雲樓暨

錢氏樓俱近在指顧間如以高曾栗主移奉
此樓交峯對峙子孫中當有顯者留詩待驗
芝楣桂棟聳雲端斗大山城獲巨觀五鳳添修文藻
易萬牛同挽巨材難許多華屋成墟落絕近菟裘詠
考槃鼎足勢雄如拱揖或能旗鼓掌詞壇

紀聞

鮑墳何事唱烏烏秉筆還勞鬼董狐杭郡跡留襟上
酒高陽人憶座中徒傳聞伯有眞爲厲髮髯申生果
遇巫我著齊諧應撫拾書成可抵諾臯無

讀唐書韓致光傳

似此君臣局臨歧握別難香匳存雅什

又相傳爲和凝撰嫁名於

僊

相位避高官

昭宗欲用僊爲相僊薦其師趙崇

氣奪權臣魄誠披

義士肝紆于留凍雀揮涕出長安

僊遭貶後依王審知而卒

烈婦吟

吊李參軍婦李徐氏也有序

參軍諱芳浙江山陰縣人游幕貴州以府經

厯指分四川未之官歿於鎮遠府解其婦徐

氏以死殉夫黔撫奏聞准其旌表如例可與

目於泉壤矣事見光緒七年邸鈔

茂陵誰殉馬相如節比松筠可表廬金屋舊歡情未
斷玉臺新選料先儲郎君自習申韓學賤妾猶諳孔
孟書此後泮河江畔水濤聲嗚咽總因渠

前明皇陵多在昌平州境我朝曾置陵戶嚴

加防範近有伐木開田諸弊復蒙恩旨交

順天府根究洵歷代所未聞也恭紀

麥秀歌成往事遙猶將弓劍護山椒在天靈爽應垂
泣故國關河禁採樵玉枕法書珍秘本長陵坏土衛
前朝勝他南宋將殘局一樹冬青特地標

代龍門弟題畫蝶應李自清

索畫人多潤筆慳管城揮秃豈容閒家傳縱有滕王
派博得時流啟笑顏

却笑伊人與蝶同生來最慣宿芳叢只因貪吸花間
露採罷西園又過東

題昭君出塞圖

漫怪丹青誤爭先漢宮佳麗幾人傳君王不遣和戎
去後世誰聞玉貌妍

水龍行

有引

邑俗因旱禱雨例用草龍遨游街市居民從
而譟逐以水澆之淋漓滿地號曰水龍採以
入詩亦桑梓掌故也

日內金烏飛不止陸海燒殘龍渴死敗鱗殘甲忽飛
來幻象已非真龍子具龍之體竊龍形物不自靈假
衆靈冷水積如三尺潦熱風吹過六街腥東家舞後
西家舞恍疑來自馮夷府當頭未起太虛雲插脚難
尋乾淨土我聞龍必善爲霖神物豈甘蓬蒿伍胡爲
上不在天下不在田失水蛟龍良亦苦竭來遊戲向

通衢婦女擲揄兒童侮有時天矯城內來夾道游人
辟易開有時蜿蜒城外去猶逐後塵爭往覷吁嗟乎
庸耳俗目震龍名葉公望見心早驚神龍自在南陽
臥無人過問向紫荆

聞前提督李世忠在籍被誅

聖朝寬大網原疎跋扈將軍自覆車入阱驅來山內
虎吞舟烹却釜中魚銅山自倚謀生富鐵券難云貸
死徐毅魄忠魂含笑待循環果報信非虛

謂何觀察

雷波廳界向爲夷匪出沒之區頃閱邸鈔知丁

寶和堂言利 卷四
宮保遣松潘鎮總兵李培榮勦撫兼施連獲
勝仗該夷勢窮援絕自願投誠現飭辦善後
事宜亦武功之可紀者

畧似韋城武唐賢可並雄平蠻多大捷鎮蜀有奇功
澤沛王師雨威生部落風籌邊樓下路凱唱聽巴童
天討倏然伸紅旗報捷頻泥中崩角地闔外建牙人
晉卒勞三駕苗民格七旬收功何迅速紀載付詞臣
疏稱夷匪二十五支數十萬人以八月戡定之

銅牛行

有序

此嘉慶間縣尹周公履謙持贈 家祖之物

也鑄銅爲臥地狀四膝屈而不伸拘其頸若
反顧者橫笛牧童一足垂牛腹下一足上翹
家藏旣久笠角稍有損壞細觀牛狀角峭尾
修真不減戴嵩之畫迨析箸時偉卿兄分得
之以重價售與他人而善初姪堅不與仍藏
於笥今復出以示余作銅牛行

玩物喪志古所戒夏鼎商彝何必愛物雖細微手澤
長孝子慈孫胡可忘銅牛色帶爛斑土誰歟贈者周

明府牛背穩載吹笛人忘言算作漁樵伍隨身簑笠
儼成圖信口宮商非按譜降阿飲池態逼真笠邊微
缺還須補我道粉飾終有痕缺陷方見古器古連城
壁未入秦邦照乘珠仍歸合浦吁嗟乎家有數頃田
饔飧粗給易爲賢架上萬帙書白屋公卿學早儲漢
瓦唐磚空自寶那及買田藏書好我訓兒孫讀與耕
能開智慧謀煖飽寄語門楣手創人教養孩提責在
親平泉莊石難世守匹夫懷璧禍其身

懷鍾子銘廣文

見說從軍去經年客未還詣營思效鄧投筆欲希班
笑我株常守知君檄夙嫻頭銜能博否衣錦反柴關
努力請長纓盧龍塞上行玉關誰破敵金虜正要盟
苦莫辭鞍馬豪須斬海鯨相期紓國難肯戀故園情

墨吏行

有序

吊華陽李明府也李以同知指發雲南會蒙
白縣土職龍汝霖歿遺把總缺子龍莫坤年
幼未襲其婦龍李氏者所用非人釀出事端
檄飭李前往提審龍李氏賄以程儀百兩隨